

Sut mae ein prosiectau'n hyrwyddo cynaliadwyedd amgylcheddol

27/09/2021



Darganfyddwch brosiectau a ariennir gan y Loteri Genedlaethol sy'n mynd i'r afael â newid yn yr hinsawdd drwy arferion cynaliadwyedd arloesol.

Mae ein byd naturiol dan fygythiad, ac mae'n gyfrifoldeb ar bawb i geisio ei ddiogelu – gan gynnwys y sector treftadaeth. Rydym eisoes wedi gweld effeithiau newid yn yr hinsawdd ar rai o'n treftadaeth annwyl yn y DU.

Dyna pam yr ydym yn gofyn i [bob prosiect a ariennir gennym ystyried sut y gallant wneud eu rhan i fynd i'r afael â newid yn yr hinsawdd](#). Drwy wneud addasiadau wrth gynllunio a darparu prosiectau – ni waeth pa mor fawr neu fach – gall sefydliadau treftadaeth gael effaith gadarnhaol ar yr amgylchedd.

Rydym wedi casglu rhai o'r enghreifftiau gorau o arferion cynaliadwyedd amgylcheddol arloesol i ddangos sut y gall prosiectau treftadaeth wneud gwahaniaeth gwirioneddol.

Mynwent Rectory Lane

Dyfarwyd £981,200 i Gyfeillion St Peter's yn 2017 am eu [prosiect adfer mynwentydd](#) drwy'r rhaglen Parciau i Bobl. Nod y prosiect hwn oedd trawsnewid mynwent Berkhamsted wedi'i hesgeuluso o "ofod marw" i le byw – lle y gallai'r gymuned gyfan ei ddefnyddio a'i fwynhau.

Creodd y grantodd goridor bywyd gwyllt a oedd yn rhoi hwb i fywyd gwyllt lleol. Roeddent hefyd yn lleihau eu defnydd o ynni, yn defnyddio cyflenwyr cynaliadwy lleol ac yn hyrwyddo arferion cynaliadwy i'w hymwelwyr.



Bedd wedi'i amgylchynu gan lygaid y dydd ym Mynwent Rectory Lane

Trafnidiaeth Cymru

Yn dilyn [grant o £100,000](#), bydd Trafnidiaeth Cymru yn trawsnewid hyd at 22 o orsafoedd trên ledled Cymru er mwyn ceisio hybu bioamrywiaeth.

Bydd yr arian o'r rhaglen [Lleoedd Lleol ar gyfer Natur](#) yn cefnogi gosod cychod gwenyn, tai adar, blychau ystumod a llawer o gartrefi eraill ar gyfer bywyd gwyllt mewn llawer o orsafoedd trên y wlad. Bydd llawer hefyd yn cynnwys toeau gwyrdd, bwtau d'r a phlanhigfeydd, ynghyd â choed sydd newydd eu plannu.



Gwirfoddolwyr yn plannu blodau mewn gorsaf drenau yng Nghymru

Museum of Making

Derbyniodd yr [Amgueddfa Museum of Making](#) £10.6miliwn i adnewyddu melin sidan 1721 yn Derby. Sicraodd yr amgueddfa eu bod yn ystyried cynaliadwyedd amgylcheddol drwy gydol pob cam o'r prosiect mawr yma.

Roedd rhai o'r newidiadau'n cynnwys rheoleiddio tymheredd cynaliadwy ar yr adeilad a gosod goleuadau sy'n defnyddio ynni'n effeithlon. Roeddent hefyd yn lleihau'r gwaith o ddymchwel adeiladau presennol a deunyddiau wedi'u hailgylchu gan gynnwys 11,000 o friciau, a gafodd eu glanhau gan wirfoddolwyr a'u haildefnyddio.

Gosododd yr amgueddfa flychau nythu a blychau ystumod ar gyfer bywyd gwyllt lleol ac annog ymwelwyr i ddefnyddio trafndiaeth gynaliadwy.



Y tu mewn i'r Museum of Making, Derby

Cefnogi cynaliadwyedd

Os ydych yn cynllunio prosiect newydd ar gyfer eich sefydliad treftadaeth, meddyliwch sut y gallech ystyried cynaliadwyedd amgylcheddol o'r cychwyn cyntaf. Rydym wedi casglu [gwybodaeth, awgrymiadau ac enghreifftiau o brosiectau](#) defnyddiol at ei gilydd i'ch helpu ar eich taith i gynaliadwyedd.



rddeb hefyd mewn ...

[yn eich prosiect treftadaeth](#)



[Design visual of the Natural History Museum garden. Credit: Feilden Fowles and J & L Gibbons](#)

[£3.2million for the Natural History Museum's Urban Nature Project](#)